



Veliki broj pripadnika SIPA učestvovao u pretresi u sarajevskom naselju Gorica

ISTRAGU NAREDILI SUD BIH I TUZILASTVO BIH

Policajci pronašli švercere koji su novinaru do zuba naoružali u BiH

# SIPA POHAPSILA AKTERE italijanske reportaže o švercu oružja

**Dragan SLADOJEVIĆ**  
 Pelaca kupio automatsko oružje, mitraljeze, bombe i pištolje, što se vidi u TV prilogu "Gdje Islamska država kupuje oružje za napad na Evropu"  
 SARAJEVO - U potrazi za akterima šverca oružja, koji se pred skrivenim kamerama jedne italijanske TV kuće odigrao u više bh. gradova, policajci Državne agencije za istrage i zaštitu (SIPA) juče su pretresli jedan objekat u Sarajevu i uhapsili dvojicu osumnjičenih.  
 Za pretrese, koji su sa Grani-

čnom policijom BiH sprovedeni po naredbama Suda BiH i Tužilaštva BiH, indirektno je zaslužan Luidi Pelaca, novinar italijanske emisije "Hijene", autor video-reportaže o švercu oružja iz BiH.  
 Pelaca je, ne predstavljajući se kao novinar, kupio u Mostaru pušku, a širom BiH automatsko oružje, mitraljeze, bombe i pištolje, što se vidi u TV prilogu "Gdje Islamska država kupuje oružje za napad na Evropu".  
 U sarajevskom naselju Gorica, u opštini Centar, uz prisustvo velikog broja policajaca, juče su pronađene i uhapsene dvije "zvijezde" sokantnog video-snimka.  
 "Uhapšeni se dovode u vezu sa spornim snimkom italijanskog novinara i lišeni su slobode zbog sumnje da su počinili neovlašten promet oružjem i vojnom opremom. Pretresom objekta pronađeni su i privremeno oduzeti

predmeti koji će se u daljem postupku koristiti kao dokazi", kažu iz SIPA. Na početku reportaže, koja traje skoro 19 minuta, Pelaca je otputovao u Sarajevo kako bi pokazao lakoću kojom potencijalni teroristi Islamske države mogu nabaviti oružje i prebaciti ga u Evropu.  
 Skrivenom kamerom novinar je zabilježio susret sa svojom "vezom" u BiH, koja ga je povezala s prodavačima oružja širom države.  
 Sagovornik Pelace ugostio ga je u svojoj kući, gdje mu je ispričao o svojoj kriminalnoj prošlosti u Italiji, sadašnjem životu u Sarajevu i o tome kako su navodno nedavno prokrijumčarili 500 automatskih pušaka AK-47 ("kalahšnjikov") u Holandiju.  
 Domaćin se pohvalio da njegove puške, po komadu, postižu cijenu od dva kilograma kokaina. Na snimku može da se vidi kako

novinar kupuje staru vojnu pušku od nepoznatih osoba negdje sjeverno od Mostara.  
 Njenu preciznost je isprobao 15 kilometara sjeverno od Mostara, izvan naselja Vojno, kod rijeke Neretve. Pušku je kupio za 75 evra od porodice kojoj je, kao i svim svojim sagovornicima, sakrio lice. Osim ove puške, Pelaca je isprobao mitraljeze, automatsku pušku AK-47, ručne granate...  
 Na kraju mu je njegov "domaćin" objasnio kako da prošvercuje oružje u automobilu, na koje granične prelaze da ide i kakav miris da koristi kojim može zava-

rati pse da ne otkriju barut.  
 Stručnjak za bezbjednost Dževad Galijašević smatra da je italijanski novinar istražio samo dio od ukupnog lanca šverca naoružanja iz BiH, odnosno samo najnižini nivo te ilegalne trgovine.  
**DOMAĆIN SE POHVALIO DA NJEGOVE PUŠKE, PO KOMADU, POSTIŽU CIJENU OD DVA KILOGRAMA KOKAINA**

